

靈巖山人詩集

靈巖山人詩集目錄

第二十五卷 古今體詩

秋月吟笳集

古出塞曲五首

夜渡河橋

自蘭州至嘉峪關紀行詩一百韻

莊浪

嘉峪關

鶴城鎮口號

赤金峽道中作

曉登靖逆驛樓

渡黑水

鳴沙山

弔古戰場篇

蒲海望月歌

客路

古玉門關月夜聞笛作

玉門柳枝詞

三危山

訪唐侯君集紀功碑

大宛馬歌

苦寒吟

九日松樹塘登高寄劍飛延青兩弟三首

雜詩六首

有答三首

觀東漢永和二年裴岑紀功碑五首

抵廸化城有作四首

題虎峯書院壁

吉木薩行帳與紀曉嵐前輩夜話

博克達山歌

雪蓮花歌

火山行

大風歌

塞下曲九首

冰山行

于闐采玉歌

哈密瓜

土魯番白蒲萄

東歸過多倫達阪

入玉門闕夜題客館壁

大風宿柳溝驛

曉入嘉峪關

發甘泉驛作

抵紅城驛書此先呈蘭州諸同志

自題秋月吟笈集

靈巖山人詩集卷二十五

鎮洋畢沅秋帆

續一字

秋月吟笳集

古出塞曲五首

疾飈振驚砂萬里失險隘白骨紛如麻幾人誤封拜
下有萬古冰上有萬古月月冷傷人心冰堅傷馬骨
胡姬抱琵琶奪來馬上彈天生好顏色零落燕支山
天山一丈雪雪凍鼓聲絕人頭斫飲器殘酒洗刀血
暮聞衆鬼哭朝聞衆兵歌男兒在行間不死復如何

夜渡河橋

十年西徼記投戈重譯鋒車絡繹過萬里涼風吹素鬢三

更殘月下黃河極邊人去秋將老
羈宦心驚感倍多縱是封侯屯骨相壯懷此日未蹉跎

時方出塞

自蘭州至嘉峪關紀行詩一百韻

止戈宏遠模

神武奠西極有綏靡不來有征靡不克
匪僅丕武功實綠懿文德遐荒諸部落
向慕悉來格懷柔本至仁鎮撫賴恒則
羌俗恃畜牧莽平

本前漢書烏孫傳

失墾關屯戍待轉輸未免疲

民力在昔營平謀允爲靖邊策卽戎並受田
兵農利兩得戰守裕儲胥永可銷鋒鏑聚米勞

九重機宜示指畫予乏綜邊才簡稽是素職
草草具行裝迢迢赴絕域惟時秋漸深天宇氣
寥寂黃河互城下雪浪

向空拍鐵索鎖浮橋朽板聲側側月滿金城關涼風送飛
鳥小駐琵琶山離思滿肝膈昨宵石堂鐙親友話疇昔發
軻未半程已似天涯隔儻去大荒西羈懷何以釋載欣復
再奔摩天橫嶺窄疏林露閣菟鞭指紅城驛入門已昏黃
篝火背殘壁滿砌繡土花頽簷敲枯櫟揄袂拂浮埃繩牀
聊憩息支枕思模黏驚沙風淅瀝邏卒鉦繞垣疏櫺月侵
席鴻驚唳嚴霜馬渴嘶敗樞僕夫早戒塗衆星猶歷歷炬
束生松枝霑霧然復熄潛行十數里始覩曙天色初旭射
巖巒濃煙羃杉柏翻苦睡魔侵據鞍慮傾仄似過村雨三
誰計埃雙隻羗牛無絆羈岡阜恣游陟我馬少所見膽怯
時辟易飢憐麥飯香渴忘沙泉濺車塵澁衣裳騾鐸送朝

夕鰥魚夜不眠，倏爾故鄉憶。有母居北堂，那知子行役。孤
燈照遠夢，花生手頻剔。鏡聽復錢占，憂疑兆難析。家書盼
不到，愁緒紛如織。詎料授衣辰，迢歷漢屬國。況當悼亡後，
南鴻信勿亟。蹤迹母儻知，翻令損歡懌。下阪更緣厓，度阡
兼越陌。遙認暮煙屯，寧知驛松黑。謂黑松驛臥枿代長欄，垂藤
成小帶。板屋十餘間，景物喜幽闐。莊浪古雄鎮，番戎聚肘
腋。防兵夜吹角，鳴鳴韻淒惻。鎖鑰達青海，萬幙屯沙磧。前
望徑若窮，蒼峽對面壙。兩厓各鬪高，不分天影碧。日光午
一逗，終古癡雲積。不定修修風，落葉厚半尺。地以古浪名，
無水悉巉石。左旋右迂迴，十步九蹶踏。八月降繁霜，冷霧
滃四塞。旗亭斷垣外，幽燐黏莽棘。巖疆數西涼，雄樓森翼

翼突兀竇融臺低視飛鳥翮霽景刷浮雲凌霄勢崩劣下
瞰牧羊川秋草淨如拭節旄化劫塵孤忠儼可覲土岡捲
乾風天半晚霞赤黃蒿塞古道蒼皇損眠食帶星促征驂
畏此簡書急搖鞭還自笑耽吟性成癖常攜筆一枝到處
弔遺迹長吟更短吟盈囊究奚益玉宇現眼前危峯飛雪
霽地勢本高寒不畏紅日逼猶疑鴻濛初畱茲一片白謂雪
山峽口驛名帶羌村明駝鳴遠磧厓陡急流奔風定孤煙
直斷蓬忽颺空影逐羣鷹擊正苦宿程遙已見日西匿矧
聞新河岸途徑愈荒僻旋地神廳馳撞擊喪我魄餓鳴詐
鬼鳴暗石類彪額宵行古墩頭借得田家宅主人甚殷勤
割雞並炊麥借問向甘州路出焉支北凌晨發山丹薄暮

達張掖弱水說荒唐濡輪計勿迫祁連不斷青形勢最雄
特一氣奔流沙作意成險隄飲馬無定河寒灘沈折戟何
年此龍戰尙多未掩骼往往陰雨天飲恨聲啾唧旅魂獨
黯然對影情脈脈前旌指酒泉巡方等過客嚴部投伊吾
秋瓜正堪摘祖帳仙姑祠早月上關柵行行萬餘里月窟
到可騫漫憂出塞行刁斗催飛檄一往訴邊愁梅花飄玉
笛

莊浪

扼險孤城百雉雄宏規遠過漢提封嚴疆南路通青海古
驛西風控黑松一自烏孫歸屬國至今鴈塞靖傳烽時平
盡主裁兵議三面番戎孰折衝

嘉峪關

鎖鑰雄西徼孤城控極邊出關雙扇閉回首淚潛然草白
渾疑雪沙黃遠到天最憐秋黯黯極望路絲絲荒磧平如
砥殘營曲作圈天方迷節物戈壁斷人煙雲暗雕防箭途
迷馬著鞭偶聞風四起惟見日高縣曠野飛燐出橫阬戰
骨填作炊聊刈莽淅米待尋泉僮僕從勤嬾輪蹄任後先
傍林迎邏卒過嶺駐行旃土舍茅充瓦松棚板當簷緣坡
烽堠峻疊石戍樓堅蕃俗惟游牧羗村不力田起居牀是
革聚落屋俱氈編戶思投筆生兒學控弦神駒饒逸足俊
鷁罕空拳古迹東西漢降藩左右賢地遙窮亥步功定紀
辰驪幸值翠庭後還思載筆先邊愁方浩蕩鄉思轉牽纏

迢遰關河迴艱難信字傳籌邊慙賈至奉使憶張騫絮襖
塵侵污韋鞵鐙齧穿去程猶累月歸騎近新年定遠曾生
入嫫姚記凱旋天光低昧谷山勢走祁連磨劔榆河岸題
詩蔥嶺嶺壯游誰及我伴月磧中眠

鶴城鎮口號

人半雜華戎居然百貨通不堪麻餅黑生怪鹵鹽紅出塞
全無井沿家總挂弓街多白榆樹盡日足悲風

赤金峽道中作

王事程嚴敢憚勞旅懷秋氣兩蕭騷官郵出塞逢迎少戍
堠緣岡結構牢風挾塞沙尤覺烈日來空磧不能高聲靈
震疊天山外絕徼弓檠盡自歎

羣孤天迴雁聲哀木脫亭皋驛路開秋草綠銷盤馬地夕
陽紅上瞭鷹臺漫言壯士遐荒戍賸有儒生絕塞來何代
戰場堪慘目冷風吹散懣骸灰

添盡征衣總怯涼草根亭午尙凝霜旣廬星散千堆白羽
騎塵飛一道黃偏是空林無鳥雀每經平阪見牛羊明晨
已出陽關路卻夢承歡在故鄉

行路艱辛歎未曾嶺崇磧迴步凌兢烘衣雪驛宵吹火飲
馬沙泉曉鑿冰殘角鳴駝遙應和斷蓬飢隼互飛騰不知
馳抵西陲路尙隔雲山幾萬層

曉登靖逆驛樓

蟠木朝瞰上紅光射驛樓樓高一百尺窻納大荒秋地盡

陰山腳天窮黑水頭風稜寒徹骨九月擁重裘

渡黑水

曲折趨西海魂魂自古今諒非烏劔吐恐有劫灰沈理欲
謫元宰源應出太陰一泓如可翦試作墨池臨

鳴沙山

高峙蒼黃色遙聞蕭屑聲何曾停晝夜不見損崢嶸雲霧
有時合樵蘇無路行夷堅稱志怪曾否載斯名

弔古戰場篇

絕漠沙黃殘照紫無邊榛莽黏霜死壁壘傾隕亂石存風
驚蓬轉鴉飛起何代何人此鬪爭遐陬無處問分明兵連
偶值紅羊劫戰沒誰分白馬名朽骨堆邊留箭鏃血痕半

雜苔痕綠怪底經過氣尙腥草根蝕盡征人肉慨憶當年
羽檄催辭家荷戟赴龍堆夜臥鐵衣槍壘閉曉傳金箭慢
城開重義輕軀拌苦戰陣雲黯慘天容變競入重圍奮大
呼那防萬弩來當面汗流驄馬血霑衣勝負存亡兩未知
不爲券空同覆陣或因援絕遂橫屍敵軍乘勝猶虓虎深
入長驅據疆土斯時閨閣起居人豈料關山霜月苦閨閣
何曾少別愁丁丁砧杵搗深秋但望凱旋重聚首敢期勲
策得封侯消息傳聞渾不一連宵惡夢心驚怵玳卜龜占
罕吉徵鬼嘯梟嘯無虛日凶問晨朝至里門慟傷已歿念
生存欲全幼穉身難殉且隱姑嫜淚暗吞記得前時分手
處黃昏翦紙招魂去暇日仍褰小閣簾癡情尙望長亭路

青天低處是沙場，
骸腐骸枯化白霜。
西風萬里吹霜至，
也等征人返故鄉。
蒸民若此誠何罪，
道理殊難問真宰。
策馬前驅暝色催，
回看煙靄深如海。

蒲海望月歌

朝發黑松嶺，暮抵蒲海灣。
遙聞拍岸水，洶洶復潺潺。
披衣揭氈帳，佇望曠漠間。
白草平鋪如集霰，稜稜寒氣侵人面。
長風盡捲浮雲開，飛出天山月。
一片金波雪浪兩激鮮，
澆澆孤峯影倒懸。
冰匱玉鏡水精域，螺髻一點浮蒼煙。
夜景分明終恍惚，若有人兮行窳窳。
爰看古戍廢臺邊，露濕三堆兩堆骨。
鬼火導先路，毛髮淒森森。
舉頭望明月，有淚難灑桂樹陰。
回頭望故鄉，有琴難寫萱堂心。
安西至江南，迢

遭一萬里其間關與山滿地月如水月如水照蘇州家家
砧杵急深秋有誰褰幔倚高樓雁鳴嘹唳風颼颼可憐今
夜清光裏海角泉臺一樣愁

客路

客路迢迢日色昏沙飛葉舞斷蓬翻西風似較東風遠送
盡愁聲入玉門

古玉門關月夜聞笛作

燉煌西控玉門關關外連雲萬疊山山頂夜分迎海月月
光倒映一城寒曲巷斜街色炯炯笳聲嗚咽人聲靜霜華
撲地樹收煙時見橫空飛雁影驀地風傳笛一枝涼宵茫
館阿誰吹儻非遷客家新別定係征夫戍未歸寥亮悠揚

吞復吐依依如怨還如慕折來楊柳兩三條落盡梅花千
萬樹柳梅絕域未曾生此曲分明太不經想因塞戶邊風
苦聊寄傷春惜別情說與知音休更弄有人雪海方飛鞚
萬里空銷客路魂餘音莫引家山夢

玉門柳枝詞

春光偷度紅沙磧馬前飛絮黏衣白恨殺長條跪地垂回
頭掃盡征人迹

三危山

並峙亭亭出太霄昔傳於此竄三苗煙雲變態無真相日
月經行只半腰礙黑水流非易導問青鳥在可能招厓根
寂歷凝冰雪時值春殘也不消

訪唐侯君集紀功碑

碑在松樹塘頂用甃石封砌
禁遊人讀碑之風雪立至

黃雲橫壓天山嶺聞有豐碑留絕頂凌兢立馬駐孱顏傾
巖仄磴遮松影滿徑繁霜午不融境高漸怯衣裳冷七十
二盤逼霄漢日色沙光交炯炯摩厓巨碣雖尙存疊石周
遭作藩屏衰蔓枯蒿雜土花蒙戎斑駁無人省未審胡爲
設護防史書挂漏難推詳虬髯神武定天下手揮玉斧綏
遐荒薊文泰獨特隄險車師後部仍披猖偏師一隊遣君
集破竹勢定平高昌削壁摛詞紀鴻烈主英臣勇豐功彰
所悲寡學倚勲舊麒麟豕毀身罹殃我未讀碑長太息烹
狗藏弓未爲得誰使龍堆魚澤西迢迢萬里烽煙熄迄今
閱世逾千年一片猶存貞觀石登臨滿擬獲奇觀豈期邈

近成虛覲或云物久鬼神憑顯異呈奇夜有聲碑文特惡
游人讀讀則風雪隨飛騰我聞其說竊匿笑世俗好誕難
理爭不見竇憲涿郡外燕山磨石刊新銘又聞伏波南海
上銅柱表界鐫勳名紀功垂遠一例耳奚爲此石能通靈
然揣無難明厥故茲山峻極多寒沍風侵雨蝕易銷磨封
填欲代紗籠護驅丁毀垣石完好翠墨拓本文無誤攜歸
補入金石編歐洪儻見應欣慕初唐碑刻世間希拓全仍
令重封固更磨峭壁古藤邊自鐫出塞新題句竚遇千秋
好事人識予游蹤曾小住萬松寒翠起天風盡吹詩思淺
雲去

大宛馬歌

寒空睽閃電光紫月精下墮渥注水迴風蕭颯雲巖駭軒
然波立一龍起應陰配陽叶坤體倣儻權奇駿莫比漢武
得之爲色喜作歌紀瑞播遐邇龍媒著名自茲始遺種相
傳今尙爾我初讀史心猶疑茲游秦隴親覩之空磧亭亭
落日低颺颺不斷北風吹捲地沙乘敗羣飛或臥或立或
長嘶千羣獻自西極西雲霞可掠電可追自昨王師蕩絕
域犁庭畧地烏孫北玉斧寧盡伊犁河金戈直指大宛國
萬幕遙分左右部天方別種哈薩克遠人臣服許朝正深
目鬢毛充貢職議開互市綏遐荒五花神駿來如織或以
布帛或以茶以此易彼平其直春秋沙暖草豐候如錦如
雲道梗塞軍實郵傳兩便宜騰驥盡爲中華得猗歟此馬

中華不易得巍巍

武功煥文德天庭血戰幾千回天駟星移敵壘摧虎頭猿
臂思良將麟角虬文想異才圖象漫矜花萼壁降精不數
拂雲堆天閑萬匹皆龍種樂府空歌天馬來

哈薩克全部臣服
沿邊貿易互市得

良馬甚多每歲春秋解送內地充陝甘等省撥補營
驛缺額之數邊防馬政均有便益洵爲緩遠良策

苦寒吟

在巴里
坤作

前日北風如虎吼樹折蓬飛亂石走黃沙陣陣塞人口昨
日風停寒已奇繁霜簌簌晴晝飛雖有太陽霜不知今晨
欲雪猶未雪百鳥潛身齊結舌沈沈四望黑于鐵自天至
地雲萬層但愁黏合凍爲冰道路不復通人行無聊且自
閉土屋老馬伏櫪形骸亦苦凜冽嘶如哭冷氣切膚森

有鉞解帶添衣十指僵夢魂一往天荒
茫楫拙堆鑪火不力雪飛爭與客愁積
未審來朝深幾尺且呼僮僕酌村醅
板扉雙扇鑿凍開三百青錢止數楮
因憶舊冬當此候官閣攤書坐清晝
滿簾紅日鑪香透豈知行役有今年
短裘匹馬巡窮邊顧影自笑還自憐
回頭揚鞭急歸去正好江南正月暮
千山一白梅花路

九日松樹塘登高寄劔飛延青兩弟三首

迢迢鄉國萬餘里黯黯風光重九天
菊花笑我信癡絕尊酒相違十五年

蘭山高會空懷友同谷傷秋正悼亡
俯仰此身如落葉無邊任爾逐風狂

茱萸插髮頻惆悵兄弟三人各一方可念塞垣于役者酸
風嚴雪過重陽

雜詩六首

極目荒荒去路遙窮邊景象欲魂銷林間似石眠蒼兕磧
裏如人立皂鵬度嶺雲隨風撲面入秋樹已雪埋腰前途
且喜軍臺近畫角聲殘號旆飄

只疑別是一乾坤山勢嶙峋水色渾塞俗殘秋爭出獵邊
城白晝也關門豈知風定沙仍起卻怪雲收日亦昏客況
偶嘗終不慣駢酥牛炙當盤飧

雲黃草白遠天低路人邊陲倍慙悽氣候未曾分廿四沙
場難更辨東西深憐負戴奴龜手忽訝鈴駟馬裂蹠今日

不知何處宿寒鴉鼓陣已歸栖

殺戈解甲表昇平西域風塵萬里清大漠近開都護府遐
荒久設受降城何勞戍部防邊警漸有丁男出塞耕聞說
近來諸屬國喜談文事怕談兵

郵館風號古木悲何年戰壘滿山陂荒城斜挂秦時月破
廟空闕漢代碑自笑寒宵猶訪古誰來絕塞更留詩此生
別具襟期在癡甚從嘲類凱之

柝聲未定又雞聲旅夜生憎睡易醒塞月正來窻上白家
山偏入夢中青昨宵慈母曾相見數拍淒笳不可聽爲問
衝塞向西去天涯仍有幾長亭

有答三首

君問邊庭況行蹤可槩論踏冰秋渡海鑿雪曉開門日已
峯顛出雲猶積上屯前朝龍戰處多少未歸魂
無風蓬自轉欲暮馬先驚天了積難了春生草不生馬嘶
迷轍路鳴作控弦聲尚有焉耆種能談博望名

一日過一驛將窮西極天塞雲常帶雪野水不歸川南北
山爭大晴陰氣總偏斷人恒累月那得尺書傳

觀東漢永和二年裴岑紀功碑五首

巴里坤屯兵塞地
得之移置城北叢

詞文簡篆古洵可寶貴爰揚數紙
揭歸以補閣中金石錄並跋短章

邊城喜值快晴時走馬來尋漢代碑翠壁手捫窺古法唐
前秦後接冰斯

嵩山洛水冷雲煙宮殿迷茫認不全誰料玉門關外石至

今留得永和年

松岡聞說駐降旗，祠後猶留萬竈基。每到雪昏風橫夜，煩

冤新鬼哭殘碑。

雅將軍會殲沙克多爾曼濟部衆于此

未必勲名衛霍如，簡編失載亦麤疏。我來不枉風霜苦，撫得遺聞補漢書。

摩挲自剔土花青，篆法猶存舊典型。爲乞銀光覓人搨，不辭獨立夕陽亭。

抵建化城有作四首

都會雄西微，層岡立界牌。橐駝行負水，羗女出擔柴。孤戍松圍屋，千屯稻覆街。輪臺歸版宇，無外荷柔懷。

雉堞凌雲起，蛟旗背日遮。萬家軍府肅，百貨市廛奢。古驛

連回部靈峯對吏衙邇來番俗革比屋喜栽花
闢地規疆里環城儼邑都泉饒禾黍茂人雜語言殊白塔
談經市紅闌賣酒壚邊防應警急未暇角烏烏
萬里攜孤劍驅馳我亦堪衣冠通日下風景似江南畜牧
耕屯廣膠庠文字諧異鄉難久住衝雪促歸驂

題虎峯書院壁

巉巖西極響聲靈化廸殊方見典型屬國君臣羞說劔窮
邊士庶慕談經涼雲影濕松窻翠遙嶺光分竹簡青廢碣
尙留金滿字備參金石徧遐庭

吉木薩行帳與紀曉嵐前輩夜話

龜幙雄談刁斗沉石城西去乍秋深奇書讀罷爲遷客酸

淚揮殘臏壯心絕域何時歸馬角陽關此夕奏烏欽他年
紅廟題名處人識乾隆兩翰林

博克達山歌

輪臺山大碧天小三峯高矗層雲表馬蹏纔渡木壘河五
百里外遙見煙鬢青了了自麓至顛路凡幾千境靈地異
飈車造焉恒春萬年樹冰雪長寒沍福地虎狼巡遙壇風
雷護或云上有金銀臺仙靈控鶴時一來丹霞紫霧常覆
林岑世人可望不可卽微聞天風吹落飄渺鷓鸞音山巔
湖水周遮百里中出神瀛飲之不死時值冬夏氣如春秋
木蘭爲樵蓮爲舟桃花一色十萬樹終朝紅到湖心樓樓
無主掌隨意來往俯視濛濛但聞雲響又云此山遙接太

雲巖詩集卷二十一
三
華峯形聯脈貫一氣通石根如蕩埋地底扶輿秀結東西
兩地爭聳青芙蓉終南太白直驅祈連走絕域如遮如罅
鈎連映帶瀛寰中十二萬年地輪隆陽施陰設精靈不肯
闕水融爲山全態呈紫翠宛若枯槎萬里長漂流天漢橫
互人問世我問是語心遊窅渺急擬尋真求至道赤松黃
石侶非杳鍊氣化神後天而老御風來此種瑤草一任黃
塵瀆洞飛茫茫我居別有扶桑島

雪蓮花歌

雲重重山疊疊中有孤芳凝秀歷亭亭莖幹青瑤接含素
豔吐清芬自開自落世斷知聞寧凌寒忍凍以獨立兮不
與衆羣薄言采之遠遺夫君爾毋飄煙而墜粉遽抱月以

飛雲所愁厓縣墜裂石梁凍折徑路阻絕兮使吾心乎愛
矣徒與太古堅冰鬪孤潔劑藥石以砭彼膏肓兮慎勿失
高寒之本性助世人之內熱吾聞仙人有杖九節兮逝將
借之徧踏天山萬峯雪

其性熱用
以入藥

火山行

火山磅礴勢嵒嶮未至百里地已熱赤亭口外無人行浮
燄飛燦時閃掣秋冬令行不到處但有炎蒸斷霜雪長風
披拂氣虜虜直欲上炙銀河溫金烏玉兔遙匿迹惟恐毛
羽遭燒焚縱有愁雲銜雨至雨未及下雲先乾翔禽遠覲
且心懾奔獸潛窺各膽寒千尋倒影落海水近有熱海激灑盡
日翻紅瀾泡騰沫濺沸不止地底誰將熾炭燔有如周郎

破孟德黑夜潛軍入赤壁蔽江艫舳一時燒光芒激射半
空赤又如女媧支洪鑪鼓皮排鍊補天石百靈奔走運樵
蘇絳煙紫霧雨間塞我問五方配五行西土於位爲白精
竟許火官逼處此日銷月鑠無留停相尅豈非物所忌金
天胡以偏容情造化深微理難究戈壁陰疑陽獨透流睇
村壑田廬間建子之月花如繡聊投逆旅覓壺滄形情細
向居人叩山光照曜夜不分開闢以來一白晝

大風歌

闕辰南山麓有風穴如井大風將起數日前卽有聲行人亟須
避匿否則連車馬捲去無蹤影矣風五色不一漢書西域傳所

云風災鬼難之
境始卽此也

天山巖辭塞太清蜿蜒起伏癡龍橫上有風穴井口大衝
颼每發先作聲海洶洶雷駭駭噫氣一鼓六合俱晦冥天

輪疑欲翻地軸恐將壞岡巒起舞林木傾拜浮雲摧積止
水澎湃日車欲進難進仍倒退沙阜捲已平巨石凌空礎
擊而星碎斯時百鳥驚翥羣獸駭奔力疲膽裂颼颼紛紛
相距幾州郡居人競杜門有時風色赤有時風色黑黑如
一椀千里墨鵬怒搏扶搖影落垂雲翼赤如陽燄倏噴激
電火輝輝搜魅迹羣龍怒戰血濺雜鳴鏑有時風色黃有
如夕陽照寒磧飛沙浮雲共一色人世鴻荒猶未闕有時
風色青且白青如狼煙散荒驛白如銀漢沈西極又如巨
壺途經雪嶺嫌徑窄手揮金斧凌空劈石黛冰珠灑落交
撼撼呀呷紛披形象閃屍神靈出沒鬼怪離奇儼有金支
翠莖飛車突騎繹絡爭奔馳行人儻值此騫地卽吹起與

如轉蓬馬片紙形滅迹消焉知生死或熱或寒簸盪無端
山獍石燕商羊折丹憑威藉勢同惡濟姦傳語飛廉莫萌
故態我具封章乞帝除害將遣羣神悉臨下界息壤一拳
坎窞立蓋否則夸娥負山遠厝西海外佇見王道平平無
隔礙千秋萬歲煙塵淨邊塞

塞下曲九首

骨月當年聚一堂出門百里筭殊方今來蔥嶺從東望蟠
木紅輪近故鄉

漠漠平沙接遠林涼飈砭骨客愁侵昔年博望曾經此白
草黃雲可似今

信書易被古人欺每到身親始自知磧上眼看紅日落誰

言夕入是崦嵫

黃昏走馬向交河
渺渺寒沙接白波
客路不知當晦日
遙看猶謂月明多

停車暫宿磧西頭
太白暉暉帶戍樓
一夜布城眠不穩
笳吟鬼哭雜涼秋

風捲寒雲去不迴
偶斟苦酒遣懷開
山頭燐火河邊骨
總是昆明劫後灰

牢蘭海距皋蘭山水隔
重巒磧隔關只道程途天樣遠
豈知夢可片時還

邊城風景也堪誇
毳帳氍毹廬可當家
纔到小春春已透
冰條如柳雪如花

問訊良朋尺素裁未知何日手親開朔風乍緊嚴霜急不放隨陽一鴈迴

冰山行

土人呼爲木蘇達阪

西域冰山實奇絕氣結爲峯水作骨銀濤隔海疑三島瓊闕朝天森萬笏嶙峋直上凌蒼天層巒幽磴盤幾千逼人但覺肌生粟迺日何常玉有煙東風著力吹難綠互古童童無草木作意龍庭梗道途漫思鳥徑遙樵牧天山南北此限之造物狡獪太逞奇世間果現水精域霧裏應局玉女扉或云此卽司寒府六月凌陰不知暑銀竹森森接大荒瑤宮曲曲通縣圃千層萬疊堆瑯瑤誤傳姑射仙人居冷月升沈渾莫辨白雲樓宿未會知忽然一柱擎霄漢凌

虛卓立絕依傍忽然一縫裂馬前俯窺有路通九泉元陰
凝結春不到消息欲問鴻濛嶺中華轍跡出飛鳥六合以
外境幽窅準夷回部次第平此地行人成大道換防官軍
限瓜期荷戈往還少者老安得夸父之杖逐迴九日西崦
遙燭龍噴焰金烏驕太古之冰見覘消嗚呼冰融山折永
永兵氣消免教金刀鐵甲勞人勞

回疆葉爾羌城駐防有伊犁滿
兵數百名輪年換班來往必經

由此
路

于闐采玉歌

祈連西走一萬里靈源洄折方流水中產瑰寶純且美漢
武拓邊偶流傳不道中原二千年沐日浴月全其天天戈
掃蕩靖西極玉瓏哈什歸版域

即玉河

神物呈祥不敢匿官

兵日出催晨餐飛揚旂幟陳河干風融雲簇水不寒精華
孕育只在此岸澗沙明清見底越境惟看石齒齒孚尹茫
昧不可知采采須屆春秋時否則辛勤徒爾爲五人爲伍
比肩立短衣跣足戴青笠水流激脛聲淪淪不以手捫以
足採銅鉦一響如衙參隨拾所得儲筠籃遙看波面疑羣
鷺雁行並進仍徐步臨淵不爲魚堪慕令嚴法禁藏私家
瑜美何曾欲掩瑕干中拔一已足嘉瓊璫拂拭重英莖彩
色輝華湛然起似幸遭逢獲知已他山石攻國器成如圭
如璧古製精聲價遠邇誇連城彤庭席珍瓌溢日溫其有
人在板屋韞匱待價甘抱璞出肇昌期豈偶然三棘五德
符高賢王度可式寧舍旃翠珉銘勲詞義肅靈英庇蔭多

嘉穀大有頻書天下福

哈密瓜

異域值瓜時頻陳冷不辭張騫攜未及胡嶠記偏遺大豈
輸萍實甘真勝蜜脾何當留數子歸種向陽陂

土魯番白蒲萄

堆盤滿眼涼色合配西方馬乳非人捫蠙珠論斛量釀當
名白墮錦擬號明光無異金莖露翻從絕域嘗

東歸過多倫達阪

烏魯木齊南
通關展孔道

一嶺界南北突兀撐太清飛隼不敢度橫截蒼龍形百盤
疑絕頂猶是第一層層層升險峻亂石虎牙獍穿雲人倒
退石齒與車爭凌虛防傾覆雷霆震旬旬俯降又仰陟地

不咫尺平黃沙捲驚蓬寒日無光晶長空雲數片風裊凍
爲冰積重忽然墮著地鏗有聲林際木甲結厓根霜華凝
薄暮出重險寸步難再行四天暝色合宿宿無郵亭草根
搯氈帳偃息亦少寧馬飢齧落葉僕冷燒枯藤寒雞噤怕
叫宵長未肯明披裘看天宇風搖一磧星

入玉門關夜題客館壁

大漠纔過疊嶂排關門中扼斷厓開數聲畫角凌雲去萬
點寒鴉作雨來徧閱窮邊驚險要始知鑿空信奇才今宵
那可無詩句冷月如霜照酒杯

大風宿柳溝驛

漸近陽關道天陰氣慘淒風驅亂石走沙壓凍雲低作勢

天將雪驚心馬屢嘶且欣逢古驛得免路旁栖

曉入嘉峪關

五更卽起展征輪漸見東方曙色新殘月尙縣雞亂唱今朝第一入關人

發甘泉驛作

日歸曉夜兼程進似較前時路倍長郵館嗁烏催夢醒一輪紅日一街霜

抵紅城驛書此先呈蘭州諸同志

往返萬餘里斯行實所欣詩題蒲海月衣染鐵關雲羊角

驚稀見

口外野羊雙角
彎環大如車輪

飈輪幸未聞

謂三間房
五色風

且須沽美酒歸與

話離羣

自題秋月吟笈集

簪筆曾陪鸞鳳羣請纓悔不學終軍錦囊莫笑空羞澀匹
馬塞衝萬里雲

長短亭過頻畫壁寒暄客至且銜杯天山涼月重陽雪總
與詩人助壯懷

游蹤遠趁西流水心事淒同北塞鴻一掬思親哀逝淚新
翻玉笛變聲中

武進門人莊復旦編校

靈巖山人詩集卷二十五

靈巖山人詩集目錄

第二十六卷 古今體詩

杏花亭吟草

登樓

刪詩

觀碁

畱客

左副將軍協辦大學士果毅阿公輓詩三首

宕昌寓樓

暖泉

魯班崖

觀音閣

滴水巖

甘泉村

自臨江堡至乾江緣崖上下仄徑險絕

雨後登試院寓樓展眺階邑近郭諸山

武都懷古

碧雲關

兩當

黃花驛

成縣張氏寓樓前牡丹一株高丈餘主人云一

百四十年物矣題詩二首

麥積山

雕窠谷

東行經安會道中感時述事寄蘭省諸公十首

曉發六盤山寄平涼太守顧晴沙

光旭

題高山書院圖爲晴沙作

客從江寧來誦袁簡齋前輩詠物詩九首愛其
運意遣辭有不卽不離之妙因如數擬作聊

以示客不必寄袁

鏡

簾

牀

香 帳 杖 尺 扇 鐙

靈巖山人詩集卷二十六

鎮洋畢沅秋帆

一字
蘊蘊

杏花亭吟草

登樓

縹緲飛樓霄漢間
畫闌一曲俯孱顏
白雲正起谿邊樹
紅日方沈鳥外山
可當歸家聊望遠
不能謝事且偷閒
塵絲解脫原非易
吏隱無妨學閉關

刪詩

小坐巖刪舊日詩
箇中得失寸心知
安能洗髓全無垢
只問吹毛可有疵
惡竹斬餘通碧嶂
浮萍瀝盡見清池
後人亦解相思否
卅載襟期兩鬢絲

觀碁

水亭簾捲午風清
兩客無言對石枰
冷眼不難分黑白
當場終自戀輸贏
收官我覺先機好
見劫人俱末路爭
指與偏傍休念念
可知餘子本來輕

畱客

年時懷想每依依
出處殊途願各違
宦達我慙糜鶴俸
飢驅君惜撤漁磯
今宵只可談風月
白馬何須辨是非
十日且拌同酌酹
囊空典尙有朝衣

左副將軍協辦大學士果毅阿公輓詩三首

入險艱能濟捐軀恨尙吞
蜩蟬喧老繻阿瓦繻據各土司俱稱爲老繻樓櫓失

公孫

時公領舟師從金沙江進剿

妖尋捎芒出愁雲帶瘴昏
戛鳩江上月邊

草嘯忠魂

曩歲平回部兵圍黑水旁轟天千騎落破膽二酋僵

兆大將軍被圍

黑水三月我師危甚公兼程應援夜半抵營擊賊賊疑爲神兵逆會背遁

表伐垂青簡圖形上紫光飾終

隆

典命灑涕覽遺章

鐵券勲臣重珠襦祕闈通

予直機地公官大司農追隨最久

功成心轉細業盛

德彌沖百戰恢全力三生悟大空

平時奉佛甚虔

東芻重拜墓拱木

颯悲風

宕昌寓樓

小閣支窗愛夕陽憑闌客想半蒼涼白雲本是無心物一

出山時便底忙

暖泉

岷陽鬱蒼潤沃洄迸碧湫瑩然一泓泉虧蔽圍古柳其源
出樹根涓涓漸盈畝波微不容輒水淺難置罾一脈靜而
深四時清且瀏浙流輕暖先澹蕩堅冰後始知坤涵靈不
與衆泉偶我昨巡春來轡車指隴右行行出北門逶迤度
陂阜徘徊雲泉上不覺靜憩久觀瀾術豈窮討源義弗取
予聞蟄龍神潛靈待度叩冬春兆旱徵憂心繫職守芸芸
萬姓命顛請載稽首噓吸盪雲雷行霖遍九有

魯班崖

雙闕拔險峭下垂虛無根峯盤勢逼仄闔闔環重閣仰窺
天輪軋俯歷地軸掀日月不到底今古潛靈昏石骨露蒼

翠冥若雲氣屯又似蛟龍蛻驅走波濤紋豪湍觸危磯窠
圍不得奔撞擊齧山石彼此互欲歎齷齪不肯讓盪薄轉
欲吞建瓴注絕壑演漾天四垠開雕創奇闢施設窮胚渾
土人豔稱說穿鑿煩仙人巨斧一以劈煙塞排長源裕衍
片雲石隱見刻削痕至今巔崖上賸有靈柯存神仙匪渺
茫此事理或真弗識化工妙跬步堪驚魂不見龍門峽僉
頌神禹神

觀音閣

昔登燕子磯拾級觀音閣江山豁襟抱奇情恣揮霍今渡
白龍江跼步凌崖嶽孤庵貼峯腰倒影下無著髣髴曩所
歷名同境則各雙崖束湍走奮迅勢險惡徑逼塞巨障路

轉陷虛壑翠岫劖青冥千仞當面落危構嵌石罅飛尸絕
地堦基與立壁爭址向縣崖鑿孤支仗朽柱牢絆賴鐵索
一墜扼造化萬象就橐籥重簷不盈咫突兀接雲腳繞檻
轟春雷攢窗吐蓮鐸倏忽盪景光傑卓矜剗削天空敞清
眸峽翻壓驚魄無風意飄簸欲動神錯愕約險到微茫索
奇向寥廓慈雲護禪界法座被纓絡始知佛力普那藉人
巧作江聲蕩山影萬古青簾幕

滴水巖

青山解愛客夜靜窺虛窗娟娟寫煙鬢窈窕世無雙推簾
一延接便須倒酒缸舉尊酌清景村歌不成腔爾傲凌霄
姿予慚健筆扛山意與詩情爭險不冝降獨惜嶺背月四

更隱崆峒煎茶沸石鼎剔花墮銀缸支枕弗成寐巨浪喧
春江

甘泉村

山容添潤澤冷翠淨欲滴好花開未已爛漫款行客宛轉
雲嵐深突兀烽堠隻居民數千家聚落抱泉石屋旁帶牛
宮屋後連豕柵官符無欠糧私困有積麥父老喜我至邀
我暫憩息小樹敞南榮十圍蔽松櫪深黃菜甲花鳴湍清
晝激靜抱淳古意勤修耕佃職望歲歲屢豐巖居樂何極
擾擾征途問何苦勞形役

自臨江堡至乾江綠崖上下仄徑險絕

江源奪山出奔赴絕宿溜千峯一線通開闢爭此寶束之

益豪怒隴蜀弗能救截流便倒激得罅旋下就疾湍與亂
石曲折成邂逅中容裂帛懸外駭迅霆關夾以萬仞山立
壁削青瘦細境緣秋豪不敢下猿狖穿從石脇迴鑿定鬼
工奏兩崖斷絕處朽木支危構下有薄板鋪上有怒石覆
凌虛峯倒壓仰睇怯矇眇趾錯憚弗前魂驚呀欲仆平生
好奇癖至此始一究大造挺峒靈咫尺安可囿日落山外
山亂紅堆衆皺

雨後登試院寓樓展眺階邑近郭諸山

好山乍經新雨沃有似名姝澤膏沐煙鬟霧鬢百媚生而
面相逢看不足廿番風信逼春歸社翁無權雨師縮麥苗
枯焦青草死高下山田九日暴昨遵江潯眺四山絕岸萬

丈立赧駸岷州得雨階州晴同戴皇天異歌哭宵闢行館
擁衾坐星斗含光焰韜燭孽龍倒蹋雷車翻蒼狗變幻雲
鋒簇須臾颯拉動紙窗倏忽琤琮鳴板屋雲頭掣電大滂
沱初若翻盆繼震霖百昌洗刷暢生意萬象清新縱遙目
孤村豔澗欲殘紅側隴勻鋪乍生綠太白晴峯凍雪融錦
屏仙洞飛流瀆春林淡靄喚鳴鳩殘月清歌聽驅犢春行
豈爲看山來登臨快慶蒼生福

武都懷古

漢將征西重武功此邦控馭節麾雄安邊有策思虞翊黨
惡無名惜馬融雲棧千盤連蜀道耕屯萬幕雜氐戎昇平
絕塞銷兵甲花影春江漾亂紅

碧雲關

幾家煙戶不成莊，鎖鑰嚴關扼漢唐。
馬倦尙聞車輾轆，雞鳴惟見月荒涼。
薄襟愛染溪山色，破屋低垂星斗光。
止爲太平邊禁絕，一兵差比萬夫強。

時當關止一老兵

兩當

亂山藏古縣，遺俗愛敦龐。
春老黃花驛，波明白水江城荒。
嘯故鬼花隱，吠仙龍廢宅思。
吳十扶藜度石砭。

縣西南有廢城每風雨聞鬼哭聲

黃花驛

月送清江影，三更照鬢絲。
客吟隨夢冷，蟲語挾秋悲。
俗近秦猶古，山連蜀漸奇。
西風吹破驛，晚折霜枝。

成縣張氏寓樓前牡丹一株高丈餘主人云一百四十年物矣題詩二首

仙葩零落炫虛堂小夢繁華記洛陽綠浪紅瀾消不盡一枝親見閱滄桑
百寶朱闌翠幔遮水天閒話玉堂花看來絕代風華種小
隱偏宜處士家

麥積山

碧空形團勢連汗漫宇隴西擅富強封殖屬天府來辭
億萬斛堆積少倉庾行近始知山巖巒秀今古下馬攝衣
登琳宮開淨土紅泉瀉石磴畫閣面花陽禪房曲且深老
僧約三五當檐多篋當不辨日亭午銅鼎凝妙香竹鑪煮

春雨啜茗出松門苔龕瞻佛祖鷲嶺現雲根龍天迴八部
知由神鬼功精微到絲縷蘭成銘尙存文字兼媚嫵小憩
潭上亭諸峯青可數丁丁不見人煙林響樵斧驚起鶴一
雙遠落夕陽浦

雕窠谷

丹霞觀遠岑紅日到幽谷曲徑裏霞外森森夾喬木萬綠
深如海中藏古金屋白水起真人羣雄互逐鹿隗囂據天
水與蜀爲犄角右控白馬氏左接青羊谷僭竊擬王居高
標玉泉麓隴西雄勝區私占作湯沐避暑起離宮月榭依
巖築麗色數秦娥妝鏡菱花簇彈指霸圖空疾風吹短燭
賸此好溪山繁華猶在目時方暮春天新筍漸成竹一叢

危磴前弄影風簌簌何當解簪組遂我返初服坐擁萬卷
書嘯傲靈巖麓試訂隴山雲佳客不勞速浮蹤儻過吾借
爾石樓宿

東行經安會道中感時述事寄蘭省諸公十首

一望無青草傷心逼晚春荒墟逃鼠雀古廟失靈神已絕
全生望猶爲半死人哀哀聞野哭蒿目倍酸辛
解渴爭泥水充飢盡草根四年三遇旱十室九關門流徙
子孫絕蕭條墳墓存更誰攜麥飯燒紙酹孤魂
土渴山形死颯獐地脈焦村虛遺破竈人盡賸空窰怪鳥
呼魂魄妖狐噉血營瘠捐鄰死日不敢逼昏朝
窘澗多逃水倉空久絕糧長衢行彳亍破寺聚流亡路哭

家橫擔山荒足裹瘡黃蒿照涼月乞食向何方
天低妖霧合日瘦暮山寒暴骨烏爭肉敲門鬼索餐哀歌
喧籬露稔葬缺桐棺一掬鮮民淚憂來豈有端
賣兒償一飯鬻婦索千錢長別寧堪此生存亦偶然吞聲
知淚盡分手尙衣牽決絕真無計斯須立道邊
野店孤鐙暗荒雞慘不鳴蒼涼春夢短俯仰客心驚血變
千林火尸填十丈阮可憐人餓死賑冊尙畱名
不雨難安麥愁深隴坂問饒偃憑虎虐疫鬼逼人頑瑣尾
民生急遊頭花信慳諸君同守土何以慰時艱
奇荒今至此草草議難支鄭監圖誰繪春陵句可思盡心
臣下責惜命上天慈牢補羊亡後經營莫更遲

石田愁餓鼠荒澤遍哀鴻災象夏秋并

甘省辦賑分別夏
災秋災勘數題報

倉儲

借糶空

時各屬官倉已
空方議撥運

焦勞煩

聖主補救仗羣公急切陳民瘼飛章達

紫穹

曉發六盤山寄平涼太守顧晴沙

光旭

荒雞喔喔夢初殘隴坂橫雲翠影乾人踏罡風羊角細峯

翻晴雪馬頭寒憂時却減探山興

訂游空同
山不果

閔雨難償訪舊

歡傳語空同麥未熟使君漫擬賦休官

時君擬乞
假南歸

題高山書院圖爲晴沙作

空同鎮隴坻峯巒鬱靈淑仙人廣成子傳道畱遐躅餘氣
洩斯文蔚爲弦歌俗前明拔隊起首推趙浚谷邊城兵燹

餘俗尙兼耕讀茅簷多秀良亦知被儒服漸摩旣無方失
教在司牧虎頭古循吏下車勤教育揖讓進諸生拔尤遍
黌塾北郭舊書堂頽廢翳榛藪鳩工謀鼎新規模仿白鹿
繚垣疏曲池夾道森喬木巍峩韓子冠突兀杜陵屋用講堂
楹聯句
經術師文翁儼然治西蜀六藝挾精英百家萃芬馥我來
雪初晴空庭鋪碎玉憫彼災餘民春田或可卜淪茗共談
詩風騷佩子獨坐久竟忘歸紙窗敲亂竹雲外碧芙蓉影
閃孤檠燭元鶴唳寒宵書聲間斷續

客從江寧來誦袁簡齋前輩詠物詩九首愛其運
意造辭有不卽不離之妙因如數擬作聊以示
客不必寄袁

鏡

最愛芙蓉是小名，
茶歛開處水激清。
有誰悲喜能相隱，
一覽媿妍各自明。
幸賴玉臺堪寄託，
直贏璧月不虧盈。
繡囊揭後寒光露，
多少精靈見影驚。

簾

繡額銀鈎畫檻前，
已過花事欲風天。
箇中消息惟香透，
一片玲瓏愛月穿。
望去真疑深似海，
算來原只薄如煙。
佩環聲杳音容隔，
小立桐陰意惘然。

牀

畫石沈香未足珍，
青楊八尺稱清貧。
雨聽長晝於中好，
情與勞生分外親。
紅粉妝成偏獨守，
銀缸滅後任橫陳。
笑他

繡被閒堆處孤負溫柔豈乏人

鐙

佛香初上寺鐘撞自剔閒房背壁釭寸草有心終不昧孤
幃伴影暫成雙幢幢何處徵歌院耿耿含愁聽雨窗坐憶
昔年歸櫂夜春星一點泊寒江

扇

黍輪何必巧安排自愛齊紈製作佳便面有人分月貌同
心隨地展風懷撲來螢火花閒徑按徹歌聲水上齋我亦
昔年京兆尹持將拊馬走天街

尺

累黍調鐘舊典詳可知布指異尋常縱橫誰得逃分寸長

短原非愛較量入手紅牙先可意滿身金粟有餘香綺羅
叢裏從裁度已準閒眠向繡牀

杖

龍形麟角總傳聞獨愛桃枝最絕羣去矣同行攜上座飄
然一策會凌雲持危到處皆由我濟勝何人不羨君於國
於朝非所望乞吹藜火照修文

帳

教放金鈎燭欲殘折枝花繡綺幃丹風能披闥遮防好夢
解游仙護衛難一入睡鄉雲四抱不知塵世日三竿西堂
祕閣何人到寐態偷窺揭曉寒

香

自啓彫匳任意拈未焚先已韻清甜熏籠舊憶朝衣覆吟
案今憑侍女添宿墨半乾初滌硯名花正放乍開簾宵涼
點罷冬郎集尙覺餘芬繞筆尖

南城門入吳照編校